

OSLOBODENJE

Cijena: 1 KM/6 KN

SRIJEDA, 28. 3. 2012.

Godina LXVIII • Broj 23.448

Tragom prijedloga o odgađanju lokalnih izbora u BiH

Svake dvije godine prečesto, ali ne još

► 6-7. strana

Ekonomski forum u Washingtonu



SAD pomažu Zapadni Balkan

► 5. strana

Otvoren Sajam gospodarstva Mostar 2012.



PREKO 800 IZLAGAČA IZ 35 ZEMALJA SVIJETA

► 20. strana

Incident u Mostaru



PUCANO NA GRADSKU
VIJEĆNICU

► 2. strana

Federalni premijer
posjetio Krivaju



PONUDA ZA
POVRATAK
NA POSAO

► 3. strana

Bh. vojnici ispraćeni
za Afganistan



NAJZAHTJEVNIJA
MISIJA NA SVIJETU

► 2. strana

OBRAZAC KOJI ŠTEĐI VRIJEME

Autosvijet

STVOREN ZA GRADSKUE ULICE

DANAS PRILOG

SAIS Ekonomski forum jugoistočne Evrope u Washingtonu SAD pomažu Zapadni Balkan

Posebna zahvalnost Wolfgangu Petritschu, novoimenovanom direktoru Austrian Marshall Plan fondacije, Muji Selimoviću, direktoru Grupacije MIMS, izdavača Oslobođenja, te Maku Kamenici, direktoru Američko-bosanske fondacije

Sinoć je u Kenney Auditorijumu svečano otvoren ekonomski forum jugoistočne Evrope koji se održava u Washingtonu u organizaciji Centra za transatlantske odnose SAIS pri Johns Hopkins Univerzitetu, Američko-bosanske fondacije, Vienna ekonomskog foruma, MIMS grupacije te Austrian Marshall Plan fondacije.

EU i NATO

Profesor Daniel Hamilton, direktor SAIS-a, otvorio je forum, a u svom izlaganju obećao je kontinuiranu podršku SAIS-a razvoju ekonomije u regiji jugoistočne Evrope. Posebnu zahvalnost za angažman i dugogodišnju suradnju iskazao je Wolfgangu Petritschu, novoimenovanom direktoru Austrian Marshall Plan fondacije, Muji Selimoviću, direktoru Grupacije MIMS, inače izdavača Oslobođenja, te Maku Kamenici, direktoru Američko-bosanske fondacije.

Jeanne Shaheen, američka senatorica, govorila je o očevidnom napretku koji je Zapadni Balkan napravio u zadnjih 20 godina.

- Sjedinjene Američke Države će ostati snažno posvećene Zapadnom Balkanu kako bi se ova regija što prije uključila u Evropsku uniju i NA-



Shaheen: Chicago je NATO-šansa za BiH

FILM O MAKEDONIJI

Otvaranje Ekonomskog foruma jugoistočne Evrope obilježeno je porukom premijera Makedonije koju je pročitao Antonio Milososki, predsjednik odbora za vanjsku politiku Parlamenta Makedonije. Nakon pisma, prikazan je promotivni film Makedonije.

TO. Hrvatska, kao što znamo, ulazi u Evropsku uniju, Srbija je dobila status kandidata, a Kosovo otvorilo pregovore sa EU, istakla je Shaheen te naglasila: „Očekujemo da će BiH unaprijediti svoj put ka NATO-u na predstojećem samitu u Chicagu.”

Kolinda Grabar, hrvatska političarka i diplomatinja, sada potpredsjednica generalnog tajnika NATO-a, izjavila je na forumu kako je prije 20 godina teško bilo zamisliti da će neke zemlje bivše Jugoslavije biti članice NATO-a, a neke krenuti tim putem.

Umjetnici iz BiH

Mladi umjetnici iz naše zemlje - Dragan Opančić, Naomi Druškić i Melisa Hajrulahović oduševili su punu dvoranu u Kenney Auditorijumu interpretacijama Chopina, Chataturjana, Bacha, Scriabinu, ali i mladog bosanskohercegovačkog kompozitora Dine Rešidbegovića.



- Puno toga urađenog u zemljama Zapadnog Balkana treba pohvaliti. Ovakvi skupovi znatno pomažu pozitivnoj i potrebnoj promociji cijele regije, dodala je Grabar.

Čestitke BiH

Željko Bogetić, u ime potpredsjednika Svjetske banke za Evropu i Centralnu Aziju Phillipa le Houeroua, koji zbog zdravstvenih razloga nije mogao učestvovati na forumu, prezentirao je ekonomski razvoj regije u periodu od 2008. do danas, te ukazao na bitne stavke

koje Svjetska banka želi podržati kako bi se ekonomija jugoistočne Evrope stabilizirala i počela uspijati.

Na forumu je govorio i američki kongresmen Russ Carnahan, koji je iskazao spremnost Kongresa da nastavi sa podrškom našoj regiji sa akcentom na ekonomsku pomoć i podršku. Carnahan je čestitao Bosni i Hercegovini 20. godišnjicu nezavisnosti, koja se slavi ove godine, podsjetivši prisutne da je Kongres SAD-a obilježio ovaj jubilej.

M. C.

TAKOREĆI... PONIŽENJE

Rehabilitacijom četničkog krvnika Dragoljuba Draže Mihailovića, jednog od najvećih zločinaca na prostoru bivše SFRJ, ponizile bi se sve žrtve četničkog terora, ne samo u Drugom svjetskom već i posljednjem agresorskom ratu. To bi bio direktni atak na svijetle tradicije i historijske vrijednosti koje su proistekle iz narodnooslobodilačkog, antifašističkog rata svih naroda i narodnosti bivše SFRJ, ali i inicijalna kapsila za nove ratne zločine, genocide, istrebljenja i progone, kaže se u saopštenju Stranke dijasporne Bosne i Hercegovine.

